

Broj: 01-11/5-776-16/2020  
Sarajevo, 24.08.2020. godine

Federalno ministarstvo poljoprivrede, vodoprivrede i šumarstva na osnovu člana 69. stav (2) tačka d) i člana 100. stav (3) Zakona o javnim nabavkama Bosne i Hercegovine („Službeni glasnik BiH“, broj 39/14), u postupku javne nabavke usluga stalnog pristupa internetu Federalnog ministarstva poljoprivrede, vodoprivrede i šumarstva putem konkurentskog zahtjeva za dostavu ponuda čije obavještenje je objavljeno na portalu javnih nabavki pod brojem: 855-7-2-6-3-9/20 od 21.07.2020. godine, rješavajući po žalbi pravnog lica »Logosoft« d.o.o. Sarajevo, izjavljena protiv Odluke Federalnog ministarstva poljoprivrede, vodoprivrede i šumarstva, broj: 01-11/5-776-13/2020 od 13.08.2020. godine, **d o n o s i**

### **ODLUKU**

**o poništenju postupka javne nabavke usluga - LOT 1. pružanje usluge stalne internet veze zagarantovane brzine za potrebe Federalnog ministarstva poljoprivrede, vodoprivrede i šumarstva na adresi – sjedište FMPVŠ, Hamdije Čemerlića 2.**

#### **I**

Uvažava se žalba pravnog lica »Logosoft« d.o.o. Sarajevo izjavljena protiv Odluke Federalnog ministarstva poljoprivrede, vodoprivrede i šumarstva, poništava se tačka I. Odluke broj: 01-11/5-776-13/2020 od 13.08.2020. godine i poništava se postupak javne nabavke usluga stalnog pristupa internetu Federalnog ministarstva poljoprivrede, vodoprivrede i šumarstva putem konkurentskog zahtjeva za dostavu ponuda – LOT 1. pružanje usluge stalne internet veze zagarantovane brzine za potrebe Federalnog ministarstva poljoprivrede, vodoprivrede i šumarstva na adresi – sjedište FMPVŠ, Hamdije Čemerlića 2.

#### **II**

Postupak javne nabavke putem konkurentskog zahtjeva za dostavu ponuda iz tač. I. ove odluke poništava se iz razloga što nijedna od zaprimljenih ponuda nije prihvatljiva, a u skladu sa članom 69. stav (2) tačka d) Zakona o javnim nabavkama BiH.

#### **III**

Ova odluka će se objaviti na službenoj web stranici Federalnog ministarstva poljoprivrede, vodoprivrede i šumarstva i istovremeno će se dostaviti svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama Bosne i Hercegovine.

#### **IV**

Ova odluka stupa na snagu danom donošenja.

### **Obrazloženje**

Dana, 13.08.2020. godine Federalno ministarstvo poljoprivrede, vodoprivrede i šumarstva donjelo je Odluku o izboru najpovoljnijeg ponuđača za pružanje usluge – stalne internetske veze,



broj: 01-11/5-776-13/2020 od 13.08.2020. godine. Navedenom Odlukom prihvaćena je preporuka Komisije za javne nabavke i nakon provedenog konkurentskog postupka ugovor za pružanje stalne internetske veze zagarantovane brzine za potrebe Federalnog ministarstva poljoprivrede, vodoprivrede i šumarstva, na lokaciji Hamdije Čemerlića 2. (LOT 1.), na period od dvije godine, dodjeljuje se ponuđaču "BH Telecom" d.d. Sarajevo za ponudu broj: 08.2.2.-38-66385/20 od 05.08.2020. godine u iznosu od 4.789,00 KM bez PDV-a. Navedeni ponuđač je nakon kompletnog postupka javne nabavke izabran kao najpovoljniji jer je ponudio najnižu cijenu za predmetnu javnu nabavku.

Dana, 18.08.2020. godine pravno lice »Logosoft« d.o.o. Sarajevo, ponuđač u postupku javne nabavke usluga stalnog pristupa internetu Federalnog ministarstva poljoprivrede, vodoprivrede i šumarstva putem konkurentskog zahtjeva za dostavu ponuda – LOT 1. pružanje usluge stalne internet veze zagarantovane brzine za potrebe Federalnog ministarstva poljoprivrede, vodoprivrede i šumarstva na adresi – sjedište FMPVŠ, Hamdije Čemerlića 2., izjavilo je žalbu iz razloga što ponude drugih ponuđača "BH Telecom" d.d. Sarajevo i „Telemach“ d.o.o. Sarajevo sadrže nedostatke zbog kojih moraju biti ocijenjene kao neprihvatljive.

Kao nedostatke ponuda žalilac navodi slijedeće:

1. Neispravan popunjen Obrazac za cijenu ponude LOT 1. za ponuđača "BH Telecom" d.d. Sarajevo,
2. Upitna vjerodostojnost i tačnost dostavljene Ponude i informacija koje je ponuđač "BH Telecom" d.d. Sarajevo upisao u Aneksu XIV, kao i manjkavostima dostavljene potvrde o uredno izvršenim ugovorima,
3. Ponuđač "BH Telecom" d.d. Sarajevo je u okviru svoje ponude dostavio pogrešno popunjen nacrt Ugovora,
4. Ponuđač „Telemach“ d.o.o. Sarajevo nije uredno popunio Izjavu iz Aneksa V Tenderske dokumentacije,
5. Ponuđač „Telemach“ d.o.o. Sarajevo dostavio manjkave i nepotpune potvrde o uredno izvršenim ugovorima.

Zbog svih naprijed navedenih nedostataka u ponudama druga dva ponuđača žalilac predlaže da se njegova žalba usvoji i postupi u skladu sa Zakonom o javnim nabavkama BiH u smislu postupanja po usvajanju žalbe.

Žalba je dopuštena, blagovremena i izjavljena od ovlaštene osobe.

Žalba je osnovana.

Razmatrajući uloženu žalbu, te ponovnim uvidom u dostavljene ponude u postupku javne nabavke usluga stalnog pristupa internetu Federalnog ministarstva poljoprivrede, vodoprivrede i šumarstva putem konkurentskog zahtjeva za dostavu ponuda – LOT 1. pružanje usluge stalne internet veze zagarantovane brzine za potrebe Federalnog ministarstva poljoprivrede, vodoprivrede i šumarstva na adresi – sjedište FMPVŠ, Hamdije Čemerlića 2., Federalno ministarstvo poljoprivrede, vodoprivrede i šumarstva je utvrdilo da sve tri ponude dostavljene na predmetni postupak javne nabavke usluge nisu prihvatljive.

Ponuda Ponuđača "BH Telecom" d.d. Sarajevo je od strane Komisije ocijenjena kao neprihvatljiva iz razloga što ponuda nije dostavljena u skladu sa Konkurentskim zahtjevom, tj. nije dostavljen uredno popunjen Obrazac za cijenu ponude LOT 1. (umjesto 0,00 KM ponuđač je



upisivao kosu crtu „/“ što nije u skladu sa propisanom Tenderskom dokumentacijom), podaci koji su uneseni u obrazac Aneks XIV i Potvrde o izvršenim ugovorima nisu u skladu sa propisanim uslovima iz Tenderske dokumentacije (vrijednost i period realiziranih ugovora) i dostavljen pogrešno popunjen nacrt ugovora (umjesto mjesečne cijene upisana dvogodišnja vrijednost ugovora).

Ponuda Ponuđača „Telemach“ d.o.o. Sarajevo je od strane Komisije ocijenjena kao neprihvatljiva iz razloga što ponuda nije dostavljena u skladu sa Konkurentskim zahtjevom, tj. nije uredno popunio Izjavu iz Aneksa V Tenderske dokumentacije (ne popunjena rubrika koja se odnosi na broj Obavještenja o javnoj nabavci), potvrde o izvršenim ugovorima nisu u skladu sa propisanim uslovima iz Tenderske dokumentacije (vrijednost i period realiziranih ugovora).

Ponuda ponuđača »Logosoft« d.o.o. Sarajevo je od strane Komisije ocijenjena kao neprihvatljiva iz razloga što ponuda nije dostavljena u skladu sa Konkurentskim zahtjevom, tj. ponuđač nije dostavio odgovarajuće dokaze o ispunjavanju uslova iz čl. 48. i 50. Zakona o javnim nabavkama Bosne i Hercegovine. Ponuđač je dostavio dvije potvrde o uspješnom izvršenju ugovora. Potvrda Authority partners d.o.o. Sarajevo u kojoj nije nikako naveden datum izdavanja originala potvrde. Potvrda Embassy of the United States of America u kojoj su kao datum izdavanja originala navedeni dva različita datuma, i to: 19. mart 2020. godine i 04.03.2020. godine.

Tenderskom dokumentacijom je propisano da se potvrde dostavljaju kao original ili ovjerena kopija originala (sud, notar ili općina), s tim da datum izdavanja originala ne smije biti stariji od datuma objave Obavještenja o nabavci na Portalu javnih nabavki.

Obavještenja o nabavci na Portalu javnih nabavki objavljeno je 21.07.2020. godine.

Kod dostavljenih potvrda ponuđača »Logosoft« d.o.o. Sarajevo jedna potvrda uopće nema datuma izdavanja, dok druga potvrda ima dva datuma s tim da su oba datuma stariji od datuma objave Obavještenja o nabavci na Portalu javnih nabavki.

U Tenderskoj dokumentaciji je propisano da u slučaju da se u ponudi ne dostave navedene potvrde ili se ne dostave kako je to određeno, odnosno unaprijed traženo, ponuđač će biti isključen iz daljeg učešća zbog neispunjavanja navedenih uslova za klasifikaciju.

Na osnovu naprijed navedenog činjeničnog stanja Komisija je utvrdila da u predmetnom postupku javne nabavke nije bilo prihvatljivih ponuda.

Članom 69. stav (2) tačka d) Zakona o javnim nabavkama BiH propisano je: „Ugovorni organ obavezan je poništiti postupak javne nabavke u slučaju da:

d) nijedna od primljenih ponuda nije prihvatljiva“, dok je članom 100. stav (3) Zakona o javnim nabavkama Bosne i Hercegovine propisano da Ugovorni organ u postupku po žalbi može ispraviti svoju radnju, može postojeću odluku staviti van snage i zamjeniti je drugom odlukom ili poništiti postupak javne nabavke.



Kako u predmetnom postupku javne nabavke nije bilo prihvatljivih ponuda ugovorni organ je primjenom člana 69. stav (2) tačka d) i člana 100. stav (3) Zakona o javnim nabavkama BiH odlučio kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.

**Dostaviti:**

- „BH Telecom“ d.d. Sarajevo
- „Logosoft“ d.o.o. Sarajevo
- „Telemach“ d.o.o. Sarajevo
- a/a

